

Na osnovu Rješenja o imenovanju Tima za organizaciju manifestacije „Winter park i Nova godina“ gradonačelnika Grada Bihaća broj: 01-04-6764 od 06.11.2025. godine, člana 10. Statuta JP „RTV Bihać“ d.o.o. Bihać („Službeni Glasnik Općine Bihać“ broj: 8/10 i „Službeni glasnik Grada Bihaća“ broj: 10/15 i 4/25), Sporazuma o zajedničkoj organizaciji festivala „Winter park 2025“ potpisanog između Turističke zajednice Grada Bihaća broj: 01-120/25, JU „Kulturni centar“ Bihać broj: 01-04-367-01/25 i JP „RTV Bihać“ d.o.o. Bihać broj: 414-02/25, te Sporazuma o saradnji u sklopu organizacije Novogodišnjeg zimskog festivala „Winter Park 2025“ između JKP „Komrad“ d.o.o. Bihać broj: 3688/25 i JP „RTV Bihać“ d.o.o. Bihać broj: 416-01/25, JP „RTV Bihać“ d.o.o. Bihać objavljuje:

IZMJENU JAVNOG POZIVA

za dodjelu na korištenje mobilnih kućica u periodu od 21.12.2025. do 03.01.2026. godine u okviru zimskog festivala „Winter Park 2025“

Vrši se izmjena Javnog poziva za dodjelu na korištenje mobilnih kućica u periodu od 21.12.2025. do 03.01.2026. godine u okviru zimskog festivala „Winter Park 2025“ objavljenog dana 26.11.2025. godine na web stranici JP „RTV Bihać“ d.o.o. Bihać, kako slijedi:

1.

U članu VI – Dužnosti obrtnika i ugostitelja mijenja se stavka:

„Poštovati odredbe organizatora u vezi pripreme hrane i posluživanja pića: **Zabranjena je priprema i posluživanje hrane na obje lokacije**“ i glasi:

„*Poštovati odredbe organizatora u vezi pripreme hrane i posluživanja pića: **Dozvoljena je priprema i posluživanje hrane na obje lokacije***“

2.

Ostali dijelovi Javnog poziva ostaju nepromijenjeni

O b r a z l o ž e n j e

Nakon dodatnih konsultacija sa (suorganizatorima manifestacije, Grad Bihać, Kulturni centar i Turistička zajednica Bihać) nadležnim službama, te uvažavanja potreba učesnika i očekivanja posjetilaca manifestacije, utvrđeno je da postoji mogućnost i opravdana potreba da se omogući posluživanje hrane uz poštovanje svih propisanih higijensko–sanitarnih i sigurnosnih standarda.

Omogućavanje posluživanja hrane doprinosi potpunijoj ponudi na manifestaciji, povećava atraktivnost događaja i podržava lokalne obrtnike, proizvođače i ugostitelje.

U nastavku Prečišćeni tekst Javnog poziva:

Na osnovu Rješenja o imenovanju Tima za organizaciju manifestacije „Winter park i Nova godina“ gradonačelnika Grada Bihaća broj: 01-04-6764 od 06.11.2025. godine, člana 10. Statuta JP „RTV Bihać“ d.o.o. Bihać („Službeni Glasnik Općine Bihać“ broj: 8/10 i „Službeni glasnik Grada Bihaća“ broj: 10/15 i 4/25), Sporazuma o zajedničkoj organizaciji festivala „Winter park 2025“ potpisanog između Turističke zajednice Grada Bihaća broj: 01-120/25, JU „Kulturni centar“ Bihać broj: 01-04-367-01/25 i JP „RTV Bihać“ d.o.o. Bihać broj: 414-02/25, te Sporazuma o saradnji u sklopu organizacije Novogodišnjeg zimskog festivala „Winter Park 2025“ između JKP „Komrad“ d.o.o. Bihać broj: 3688/25 i JP „RTV Bihać“ d.o.o. Bihać broj: 416-01/25, JP „RTV Bihać“ d.o.o. Bihać objavljuje:

JAVNI POZIV

za dodjelu na korištenje mobilnih kućica u periodu od 21.12.2025. do 03.01.2026. godine u okviru zimskog festivala „Winter Park 2025“

I

Predmet Javnog poziva

Ovim Javnim pozivom prikupljaju se prijave registrovanih samostalnih djelatnosti u osnovnom zanimanju iz oblasti ugostiteljstva i poduzetništva za dodjelu na korištenje 20 (dvadeset) mobilnih kućica tokom trajanja zimskog festivala „Winter Park 2025“ (u daljem tekstu: zimski festival).

II

Subjekti koji se mogu prijaviti na Javni poziv

Pravo podnošenja prijave za korištenje mobilnih kućica u periodu od 21.12.2025. godine do 03.01.2026. godine imaju:

- fizička lica koja obavljaju ugostiteljsku djelatnost registrovana na području grada Bihaća, kod nadležnog organa za registraciju djelatnosti u Gradskoj upravi Bihać i koji registrovanu djelatnost obavljaju kao osnovno zanimanje, a u vezi sa pripremom i posluživanjem hrane i pića, te
- privredna društva (d.o.o.) koja su registrovana na području grada Bihaća, za obavljanje djelatnosti ugostiteljstva, odnosno priprema i posluživanje hrane i pića.

III

Ko ne može učestvovati na ovom Javnom pozivu

Na ovaj Javni poziv ne mogu se prijaviti fizička lica bez registrovane samostalne djelatnosti u oblasti ugostiteljstva i poduzetništva, kao ni subjekti koji imaju status: javne ustanove, javnog preduzeća, organizacije civilnog društva i druga pravna lica.

IV

Lokacija i radno vrijeme kućica

Lokacije na kojoj će biti postavljene kućice su **Gradski trg i igralište Bigram**.

Radno vrijeme je od 09:00 do 23:00 sata, uz obavezu da kućice moraju biti otvorene i na raspolaganju posjetiocima zimskog festivala svakog dana u periodu od 10:00 do 13:00 sati (coffee break/ kafe pauza) i od 18:00 do 23:00 sata, osim u okolnostima više sile¹ koja bi spriječila rad istih.

Korisnicima kućica je dozvoljen rad i u toku cijelog radnog vremena (od 09:00 do 23:00 sata) ukoliko su u mogućnosti da organiziraju nesmetan rad istih.

U slučaju nepoštivanja radnog vremena zimskog festivala, ugostitelji će snositi troškove u duplom iznosu od ponuđenog dnevnog najma. Nepoštivanje radnog vremena utvrđivat će voditelj lokacije, angažiran od strane organizatora, te odmah po utvrđenoj nepravilnosti obavijestiti zakupca o istoj.

V

Kriterij za odabir

Kriterij za odabir najpovoljnije ponude je najviša ponuđena cijena.

Početna cijena najma **dvije kućice** (jedna na Gradskom trgu i jedna na Bigramu) za cjelokupni period trajanja Zimskog festivala 14 (četnaest dana) je **2.500,00 KM + PDV (za obje kućice)**.

Nije moguće zakupiti kućicu na samo jednoj lokaciji.

Ukoliko dva ili više ponuđača ponude istu cijenu, prednost se daje onom ponuđaču koji je prvi dostavio svoju ponudu, a prema prijemnom štambilju otisnutom na koverti.

Zakup je moguć samo u slučaju najma svih 14 dana festivala i u punom radnom vremenu festivala. Neovisno o vremenskim uvjetima i održavanju programa najam se plaća u punom iznosu za 14 dana festivala. Svi zakupci prihvatanjem uvjeta sudjeluju i u manifestaciji proslave Nove godine bez dodatnih troškova.

¹ Nepredviđene pojave u vidu elementarnih nepogoda, požara, štrajkova, demonstracija, ratnih dejstava, zabrana kretanja i javnog okupljanja i drugih i sličnih restriktivnih mjera koje nastanu izvan sfere djelovanja i neovisno o volji subjekta.

Komisija je dužna da na osnovu dospjelih prijava sačiniti Zapisnik o radu komisije i Listu krajnjih korisnika najkasnije 5 radnih dana nakon zatvaranja Javnog poziva.

Po konačnom usvajanju Liste iz prethodnog stava, JP „RTV Bihać“ d.o.o. Bihać će sa krajnjim korisnicima zaključiti ugovore o zakupu mobilnih kućica.

Konačna rang lista korisnika biće objavljena na službenoj stranici JP „RTV Bihać“ d.o.o. Bihać (www.radiobihac.com) i stranici Grada Bihaća (www.bihac.org).

Prijavitelji na Javni poziv mogu podnijeti samo jednu prijavu kojom mogu ostvariti pravo na dodjelu dvije kućice (jedna na Gradskom trgu i jedna na Bigramu) po ovom Javnom pozivu.

Korisniku nije dozvoljeno ustupanje kućice ili izložbenog prostora trećim licima.



VI

Dužnosti obrtnika i ugostitelja

- Osigurati osoblje za rad
- Pridržavati se radnog vremena
- Plaćanje odvoza smeća
- Imati dostupnu zalihu robe za vrijeme trajanja Zimskog festivala
- Ponuda u kućici mora biti istovjetna predloženoj ponudi
- Poštovati odredbe prezentacije i prodaje proizvoda sponzora „Winter Parka 2025“
- Poštovati ekskluzivnost prodaje i promocije pića sponzora „Winter Parka 2025“
- Uredno poslovanje i pridržavanje propisa i Zakona države Bosne i Hercegovine

- Poštovati odredbe organizatora u vezi pripreme hrane i posluživanja pića: **Dozvoljena je priprema i posluživanje hrane na obje lokacije**
- Poštovati odredbe organizatora o prezentaciji i promociji, uređenju i dekoraciji kućice i okolnog prostora:
 - Na Gradskom trgu nije dozvoljeno postavljanje vlastitih stolova, već će to učiniti organizator i sponzor
 - Stolovi su dozvoljeni u šatoru na igralištu Bigram (stolnjake osigurava organizator)
 - Dekoracije su dozvoljene samo u bojama Zimskog festivala: svijetlo plava, žuta, roza i ljubičasta
- Kućicu nakon završetka festivala "Winter Park 2025" predati organizatoru u stanju u kakvom je Korisniku ustupljena, a za sve eventualne štete koje nastanu za vrijeme korištenja kućice, dužni su odgovarati Organizatoru (namirenje stvarno nastale štete).

VII

Dužnosti organizatora i nositelja manifestacije

- Obavlja montažu i demontažu objekta na Bigramu
- Besplatni priključak i korištenje električne energije
- Čišćenje vanjskih prostora
- Obezbjedenje lokacije za odlaganje smeća
- Obezbjediti vanjske toalete tokom trajanja Zimskog festivala
- Besplatan kulturno - zabavni program tokom trajanja manifestacije i to:
 - 21.12.2025. – Zabranjeno pušenje (Gradski trg)
 - 22.12.2025. – Bend Start (Bigram)
 - 23.12.2025. – Psihomodo pop (Gradski trg)
 - 24.12.2025. – Mirza Selimović (Gradski trg)
 - 25.12.2025. – Berin Buturović (Bigram)
 - 26.12.2025. – Okus meda (Bigram)
 - 27.12.2025. – S.A.R.S. (Gradski trg)
 - 28.12.2025. – Nina Badrić (Gradski trg)
 - 29.12.2025. – Grupa Retro (Bigram)
 - 30.12.2025. – Tamburaški sastav Bedem (Bigram)
 - 31.12.2025. – DJ Inis, Dženan Rakić i Gušt & Roll – **MARIJA ŠERIFOVIĆ** (Gradski trg)
 - 01.01.2025. – Rock ko fol, Željko Bebek (Gradski trg)
 - 02.01.2025. – Aldina Beširević i bend (Bigram)
 - 03.01.2025. – Zosko & Folk fingers (Bigram)


Dodatni program:

- 26.12.2025. do 31.12.2025. - Vozić Ću-ću
- 22.12.2025. - Ples i igre sa maskotama Mickey, Minnie i Medo
- 25.12.2025. - Srednjovjekovne igre za djecu
- 26.12.2025. - Kike Budalike
- 27.12.2025. - DJEČIJA NOVA GODINA I DODJELA PAKETIĆA:
 - Dječiji hor Belcantići
 - Miniland i Djeda Mraz
- 28.12.2025. – Bihaćka novogodišnja petica
- 29.12.2025. - Ples i igre sa maskotama Mickey, Minnie i Medo
- 30.12.2025. - Mađioničar Kenan Imamović (Sarajevo)


SVI DOGAĐAJI SU NA GRADSKOM TRGU!**VIII****Raspored mobilnih kućica**

Pozicije mobilnih kućica će se krajnjim korisnicima dodjeljivati na dan potpisivanja Ugovora najkasnije do 15.12.2025. godine po principu ponudene cijene, na način da pravo biranja kreće od najviše ponudene cijene ka najnižoj. Također, pet ponuđača koji ponude najvišu cijenu će na Gradskom trgu dobiti nove kućice koje su kupljene za ovu prilku.

Organizator navedene objekte postavlja na sljedeću lokaciju:



Gradski trg – SKICA



Bigram – SKICA

IX Način prijavljivanja

Prijave na ovaj Javni poziv podnose se na prijavnom obrascu (Obrazac 1) koji se može preuzeti na internet stranici www.radiobihac.com.

Prijavni obrazac se popunjava elektronski (na računaru) i ne može se popunjavati ručno!

Uz elektronski popunjen prijavni obrazac (Obrazac 1), prijavitelj je dužan dostaviti sljedeću dokumentaciju:

- Ovjerena kopija rješenja o upisu u sudski registar (za pravna lica), ne starije od 3 mjeseca od dana objave Javnog poziva
- Ovjerena kopija rješenja o obavljanju samostalne djelatnosti nadležnog gradskog organa uprave (za fizička lica), ne starije od 3 mjeseca od dana objave Javnog poziva
- Uvjerenje Službe za finansije i privredu da ugostiteljska radnja nije prestala sa radom, odnosno da nije doneseno rješenje o stalnoj odjavi rada ugostiteljske radnje i da isti nema neizmirenih obaveza prema Gradu Bihaću
- Uvjerenje o izmirenim obavezama prema javnim prihodima (original ili ovjerena kopija nadležne Porezne uprave), ne starije od 3 mjeseca od dana objave Javnog poziva.

X Način dostavljanja prijava

Javni poziv ostaje otvoren **do petka 5.12.2025. godine do 16:00 sati.**

Javni poziv će se objaviti na službenoj stranici JP „RTV Bihać“ (www.radiobihac.com), službenoj stranici Grada Bihaća, Turističke zajednice Bihać i JU „Kulturni centar“ Bihać.

Prijava sa pratećom dokumentacijom dostavlja se lično na protokol JP „RTV Bihać“ d.o.o. Bihać u ulici 502. Viteške brigade 21 u zatvorenoj kovrti s naznakom:

“Prijava za dodjelu na korištenje mobilnih kućica “Winter Park 2025” – ne otvaraj“.

Na poleđini kovrte napisati naziv i adresu kandidata, kontakt osobu i telefon.

Za svaku prijavu koja se dostavi na protokol JP „RTV Bihać“ d.o.o. Bihać, izdat će se potvrda o prijemu, sa naznakom datuma i vremena prijema. Nepotpune i neblagovremene prijave neće se uzimati u razmatranje.

Za sve dodatne informacije u vezi javnog poziva, zainteresovana lica mogu se obratiti lično u prostorije JP „RTV Bihać“ d.o.o. Bihać ili na broj telefona 037/223-770, svakim radnim danom od 08:00 do 16:00 sati.